

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 13

Ang Paggawi diha sa Gugma ug Kahayag

Basahong Kasulatan: Efe. 5:2, 8; Juan 8:12; 1 Juan 4:8, 16-17; 1:5; Sal. 119:105, 130

I. “Maggawi mo diha sa gugma, maingon nga nahigugma sab si Cristo nato ug nitugyan sa Iyang Kaugalingon alang nato, nga halad ug halad-inihaw nga kahumot alang sa Dios”—Efe. 5:2:

- A. Naghulagway ni Cristo ang halad nga sinunog sa pagkinabuhi Niya sa kinabuhing bug-os nga alang sa Dios ug sa katagbawan sa Dios (Lev. 1:3, 9; Juan 8:29); nagkinabuhi si Cristo ning kalibotana sa kinabuhi sa Dios nga gugma, ug Siya maoy kinabuhi nato karon aron magkinabuhi ta sa samang kinabuhi sa gugma ning kalibotana ug masama Niya (1 Juan 4:16-17); si Jesus kini nga nagkinabuhi pag-usab dinhi sa yuta sa pagka-tawo Niya nga gipadato sa pagkadios isip kahumot nga makatagbaw ni Jehova (Exo. 29:18, 25; 2 Cor. 2:15).
- B. Ang tumong sa basahon sa Efeso pagdala man kanato nganha sa gugma nga sulodnong pagkamao sa Dios aron makapahimulos ta sa Dios nga gugma ug makapahimulos sa Iyang presensya diha sa katam-is sa diosnong gugma, ug sa ingon niana mahigugma sa uban sama sa paghigugma ni Cristo—5:25:
 - 1. Diha sa kahimtang sa gugma, gisuropan ta sa Dios aron mabalaan ug mawalay-apan sa Iyang atubangan—1:4.
 - 2. Ang gugmang gipagamotan nato aron motubo ug gipasukuran aron matukod mao ang diosnong gugma nga praktikal nga maamgohan ug masinati nato—3:17.
 - 3. Dili masukod ug labaw-sa-kahibalo ang gugma ni Cristo, nga mao si Cristo mismo, apan mahibal-an nato kini sa pagsinati nato niini—v. 19.
- C. Isip mga tawong gipanganak na pag-usab aron mahimong kaliwat sa Dios, kita, nga mga anak sa Dios, mahimo sab gyong gugma kay gugma man ang Dios; kay nahimo man tang Dios sa kinabuhi ug kinaiya, mahimo sab gyod unta tang gugma—1 Juan 4:8, 16.
- D. Kon buot tang makasinati ug makapahimulos sa diosnong gugma ug mahimo kining gugma nga ihigugma sa uban, kinahanglang makaila ta sa Dios sa kasinatian pinaagi sa mapadayonong pagkinabuhi nato diha sa diosnong kinabuhi—vv. 8, 16; 1:3-6; Fil. 3:10a.
- E. Unang nahigugma ang Dios kanato kay gipatuhopan man ta Niya sa Iyang gugma ug gipahimugso sa sulod nato ang gugmang gihigugma nato Niya ug sa mga igsoon—1 Juan 4:19-21.
- F. Kinabuhi sa gugma ang kinabuhing nadawat nato sa Dios; nagkinabuhi si Cristo ning kalibotana sa kinabuhi sa Dios nga gugma, ug Siya maoy kinabuhi nato karon aron magkinabuhi ta sa samang kinabuhi sa gugma ning kalibotana ug masama Niya—3:14; 5:1; 2:6; 4:17; Efe. 4:20-21.
- G. Ibutang gyod sa krus ang natural nga gugma nato; ang usang kalahian tali sa gugma sa Dios ug sa natural nga gugma nato mao nga dali ra kaayong masilo ang natural nga gugma nato.
- H. Mga tawo gyod unta ta nga gibahaan ug gianod sa gugma ni Cristo; sama gyod unta sa bul-og sa daghang tubig ang diosnong gugma nganhi nato, nga mopugos nato nga magkinabuhi ngadto Niya nga dili nato mapugngan—2 Cor. 5:14.
- I. Daan ug bag-o ang sugo kalabot sa gugmang inigsoon: daan, kay naa na man kini sa mga magtutuo sukad pa sa sinugdan sa ilang Cristohanong kinabuhi; bag-o, kay sa ilang Cristohanong paggawi balikbalik man kining mobanagbanag nga dunay bag-ong kahayag ug mosidlak nga dunay bag-ong paghayag ug bag-ong kusog—1 Juan 2:7-8; 3:11, 23; itandi sa Juan 13:34:

1. Dili lang mga mando ang mga sugo sa Ginoo; mga pulong kini Niya, nga espiritu ug kinabuhi nga sangkap nato—6:63.
 2. Ang gugma sa Dios mao ang sulodnong pagkamao Niya, ug gisangkapan ta sa mga pulong sa Ginoo sa Iyang diosnong pagkamao, nga maoy gihigugma nato Niya ug sa mga igsoon.
 3. Mahigugma gyod ta sa Dios ug sa Iyang mga anak pinaagi sa diosnong gugma nga gipalatay kanato pinaagi sa mga pulong sa Ginoo aron mahimong kasinatian ug pagpahimulos nato.
- J. Kinabuhi sa gugmang inigsoon ang iglesiahonong kinabuhi—1 Juan 4:7-8; 2 Juan 5-6; Juan 15:12, 17; Bug. 3:7; Efe. 5:2; itandi sa Jud. 12a:
1. Gitukod sa Lawas ang iyang kaugalingon diha sa gugma (Efe. 4:16); “makapaburot ang kahibalo, apan makatukod ang gugma” (1 Cor. 8:1b; itandi sa 2 Cor. 3:6).
 2. Espiritu sa gugma ang hinatag-sa-Dios, gipanganak pag-usab nga espiritu nato; gikinahanglan nato ang nagdilaab nga espiritu sa gugma nga mobuntog sa pagkadaot sa iglesia karon—2 Tim. 1:7.
 3. Timaan nga iya ta ni Cristo ang paghigugmaay nato sa usag usa (Juan 13:34-35); batok sa paghigugma sa tanang igsoon ang ganahang manguna sa iglesia (3 Juan 9).
 4. Maingon nga gitugyan ni Ginoong Jesus ang Iyang kinabuhi-sa-kalag aron maato ang diosnong kinabuhi, wad-on gyod nato ang atong kinabuhi-sa-kalag ug dumilian ang kaugalingon aron mahigugma ta sa mga igsoon ug makapangalagad og kinabuhi kanila sa pagbatasan nato sa kinabuhi sa Lawas—1 Juan 3:16; Juan 10:11, 17-18; 15:13; Efe. 4:29—5:2; 2 Cor. 12:15; Rom. 12:9-13.
 5. Wad-on gyod nato ang atong kinabuhi-sa-kalag sa dili nato paghigugma sa kalibotan ug sa kalipayan niini; ang pagdawat nato sa Dios ug pagpadayag nato Kaniya nga gugma diha sa iglesiahonong kinabuhi sa gugmang inigsoon mao gyod unta hinuoy atong kalipay, kalipayan, kalingawan, ug kasadya—1 Juan 2:15-17; Mat. 16:25-26; Sal. 36:8-9; itandi sa 2 Tim. 3:4.
 6. Praktikal nga mapadayag ang gugmang inigsoon diha sa iglesiahonong kinabuhi sa pag-atiman nato sa mga panginahanglan sa mga nanginahanglang balaan nga walay bisan unsang pagtagad sa kaugalingong tuyo o pagpasundayag ba sa kaugalingon; sa pagpanghatag nato sa materyal nga mga butang sa nanginahanglang mga balaan, moagay ang grasya sa kinabuhi sa Ginoo uban sa Iyang gugma diha sa tanang bahin sa Lawas ni Cristo ug ikapatuhop kini kanila—1 Juan 3:17-18; Mat. 6:1-4; Rom. 12:13; 2 Cor. 8:1-7.
- K. Ang pagpabilin sa gugma pagkinabuhi man sa kinabuhing kanunayng nahigugma sa uban sa gugma nga mao ang Dios mismo aron mapadayag Siya dinhi nato—1 Juan 4:16-18; 2 Cor. 5:10, 14.
- L. Ang hingpit nga gugma mao ang gugmang nahingpit na diha nato tungod sa paghigugma nato sa uban pinaagi sa gugma sa Dios; naghiklin sa kahadlok kanang gugmaha ug walay kahadlok nga masilotan sa Ginoo inigbalik Niya—1 Juan 4:17-18; itandi sa Luc. 12:46-47.
- M. Ang gugma maoy labing maayong paagi nga mahimo tang bisan unsa ug makabuhat og bisan unsa aron matukod ang iglesia nga organicong Lawas ni Cristo—1 Cor. 12:31b—13:8a.

II. “Kaniadto kangitngit mo, apan karon kahayag na diha sa Ginoo; paggawi mo ingon nga mga anak sa kahayag”—Efe. 5:8:

- A. Ang kahayag mao ang presensya sa Dios; magdumala ug magbuot gyod unta sa sulod nato ang pagsidlak sa sulod sa kahayag aron mosugid ta sa atong mga sala ug madala nganha sa presensya sa Ginoo—1 Juan 1:5, 7; Gen. 1:18.
- B. Pagtawag ang Isaias 2:5 sa katawhan sa Dios nga maggawi diha sa kahayag, pagtawag nga maghinulsol ug mosugid sa atong mga sala aron madala ta nganha sa presensya sa Dios—“Balay ni Jacob, ari ug manglakaw ta diha sa kahayag ni Jehova”:
 1. Sa dihang gipamulong sa Dios sa Iyang katawhan kining pulonga, niingon sab Siya pinaagi sa Iyang propeta nga si Isaias: “Alaot kadtong nagngalag maayo sa daotan, / Ug nagngalag daotan sa maayo; / Nga naghimo sa kangitngit nga kahayag, / Ug naghimo sa kahayag nga kangitngit; / Nga naghimo sa pait nga tam-is, / Ug naghimo sa tam-is nga pait!”—5:20.

2. Magpabilin gyod ta ni Cristo ug maggawi diha sa kahayag sa kinabuhi (Juan 8:12) aron makaambit ta ni Cristo nga atong pahat “diha sa kahayag” (Col. 1:12); kon mosidlak ug modumala ang kahayag sa sulod nato, ang gingharian kini sa Anak sa gugma sa Dios nga sukwahi sa pagbulot-an sa kangitngitan, nga mao ang gingharian ni Satanas (v. 13; Buh. 26:18-19).
- C. Sa kasinatian sa mga matinguhaong nahigugma sa Dios, ginsakpan sa kahayag ang Pulong sa Dios, kay naa man ang kahayag sa pulong sa Dios—dili sa sinulat nga pulong sa Biblia kondili sa pulong nga gipamulong sa Espiritu kanato gikan sa sulod, nga nagpadayag na sab sa pulong sa Biblia kanato—Bug. 2:7a; Sal. 119:105, 130; Juan 6:63; Efe. 5:26-27; A. A. 8:13-14; Isa. 66:2, 5.
- D. Ginsakpan ba sa kahayag o dili ang Pulong sa atong kasinatian nag-agad kini sa atong tinagdan ug kahimtang sa pagduol nato sa Pulong—itandi sa Juan 5:39-40:
 1. Ipaubos gyod nato ang atong kaugalingon, dili magsalig sa atong kaugalingon kondili mangamuyo sa Ginoo sa Iyang kaluoy—Isa. 57:15; 66:2; Luc. 11:34-36.
 2. Bukas gyod unta ang tanang lawak sa atong kalag nga modawat sa paghayag sa Ginoo—Prov. 20:27.
- E. Kon buot tang makadawat og kahayag pinaagi sa Pulong, batokan gyod nato ang mga nakaali ug nakaulang sa atong kasingkasing (Luc. 8:12-15; Mat. 18:35); matag panahon nga moduol ta sa Pulong, gamiton gyod nato ang atong kasingkasing, magtinguha sa Ginoo sa tibuok natong kasingkasing, ug dili mabahin ang kasingkasing (Sal. 119:2; itandi sa Jer. 29:10-13; 24:7; 32:39).
- F. Nag-agad sa kaluoy sa Dios ang paghayag; matag panahon nga moabot ang Dios ug kaluy-an ta Niya, ang kahayag sa Iyang panagway maoyatong kahayag, ang Iyang pagtungha maoy atong panan-awon, ug ang Iyang presensya maoy atong kaayohan—Rom. 9:15; Buh. 9:3-4; Isa. 50:10-11; Num. 6:25-26.
- G. Aron mahayagan sa Ginoo, magtagad gyod ta pag-ayo ning lima ka punto:
 1. Aron mahayagan, kinahanglang makagusto ug modawat ta sa paghayag sa Ginoo, ipatumong ang atong kasingkasing nga bug-os gyong magtinguha sa Ginoo ra sa tanan natong tinguha—Sal. 139:23-24; Fil. 2:12-16; 2 Cron. 12:14; 16:12; 34:1-3; Sal. 27:8; 73:25; Luc. 11:33-36.
 2. Aron mahayagan, buksan gyod nato ang atong kaugalingon sa Ginoo, iliso ang atong kasingkasing Kaniya, ug ibutang ang atong kaugalingon sa Iyang atubangan nga walay bisan unsang pagpanagana o pagpugong; kadtong dili mobukas sa ilang kaugalingon sa Ginoo mga batid sa paghukom ug pagpanaway sa uban—2 Cor. 3:16; Prov. 20:27; Mat. 7:1-5; Luc. 6:36-37, 41-42.
 3. Aron mahayagan, paundangon gyod nato ang atong kaugalingon; nagpasabot kini nga undangon nato ang atong mga panan-aw, ang atong tinan-awan sa mga butang, atong mga pagbati, atong mga hunahuna, ug atong mga opinyon; moduol ngani sa Ginoo ang tawong hingpit nang niundang, hilabihan gyod siyang mabug-os ug yano sa pagdawat sa pulong sa Ginoo—10:38-42; Juan 11:21-28; Isa. 40:31; Mat. 5:3; Luc. 18:15-17; Isa. 66:1-2.
 4. Aron mahayagan, dili gyod ta makiglalis sa kahayag sa Espiritu nga namulong sa sulod nato o sa mga ministro ba sa Espiritu nga namulong sa dayag—Bug. 22:10; A. A. 5:4-6; 2 Cor. 10:3-5; 11:2-3; Num. 16:1-7, 33-39; 17:1-8; itandi sa Exo. 33:11, 14.
 5. Aron mahayagan, kanunay gyod tang magkinabuhi diha sa kahayag—Isa. 2:5; 1 Juan 1:7; Heb. 9:14; 10:22; Mat. 5:3, 8, 14; Sal. 119:105; Bug. 1:20; Sal. 36:8-9.
- H. Dili gyod ta maggama og kaugalingon natong kahayag; mosalig gyod hinuon ta sa Ginoo nga mohayag nato—Isa. 50:10-11:
 1. Dili makaabante ang Cristohanon sa espirituhanong dalan pinaagi sa kaugalingon niyang kalayo; mosalig gyod siya sa ngalan ni Jehova ug sa iyang Dios.
 2. Kon baksan nato ang atong kaugalingon sa kahayag nga ginama nato, bisan makalakaw tingali tag kadyot sa kahayag sa kaugalingon natong kalayo, sa kaulahian manghigda ta sa kasakit—v. 11b.
 3. Dili gyod nato pulihan ang kahayag sa Dios sa kaugalingon natong kahayag; kanunay gyod hinuon tangmodawat og kahayag sa Dios—1 Juan 1:5; Juan 8:12.

III. Ang atong Cristohanong kinabuhi “sama [gyod unta] sa banagbanag sa kadlawon, / Nga nag-anam kasanag hangtod sa pagkahingpit sa adlaw” (Prov. 4:18); unya “magmasanagon [ta] sama sa Adlaw” sa gingharian sa atong Amahan (Mat. 13:43).

IV. Sa kapulihay, mahimong tigsabwag sa diosnong kahayag ang tibuok Bag-ong Jerusalem; karon kining tigsabwag mao ang Lawas ni Cristo uban sa katawhan sa gingharian nga kahayag sa kalibotan, nga mopapas sa kangitngit sa kalibotan—Bug. 21:23; 22:5; 4:5; Mat. 5:14.